



LA USC DI LADINS

"Plata dla Union Generela di Ladins dla Dolomites"
Italia - Südtirol - Urtijei, St. Ulrich, Ortisei
P.IVA IT-00518150214



07 de fauré 2009
Edizion Nr. 05/2009

Contegnù

GHERDEINA
VAL BADIA
FASCIA
FODOM
ANPEZO

Atualité
Spezial
Sport
Manifestazions
Inserac
Servisc/Abo

Archirida

Al vegn chiri:

chiri

[maloura archirida](#)

Temesc

Rubrica
DANCÁ Y DA NA PERT

N valgones domandes
al fotograf Alfons
Facchini.

Università
ANN ACADEMICH

Le retur dla Università
Lèdia de Balsan, prof.
Walter A. Lorenz, à
inaudè l'ann
academich nù.

Sport
SCHI DA MONT

Matthias Declara fèsc
sua "La Lors da Rèba"

Fascia
DON BATISTOL

Domenia dò messa à
sonà la grana per
anunziar che nosc don
Giovanni l'é jit sun
Paradis.

Home Archif Contac Reclam e-paper

vos seis chilò: [Home](#) > [Anpezo](#)

revers

Anpezo

El golf sote el gnee

Algo de noo, par el nosc paes, 'l é drío a nasce, con chera de deentà senpre pi gran. El Comun de Anpezo 'l à chera de i dià 'na man, cemodo che el pó, anche se i paroi de i fonde i no fose d'acordo

Un golf d'istade, una pista par i schie da fondo d'inverno: chesto 'l é chel che i vó fei fora par Noulù, intrà Coiana e Fraina. I laore par ra prima noe bujes i é sude inainte polito, par duto el 2008, fin che 'l é ruà el gnee, a cuerse el cantier: sete bujes, de chera noe, 's é beleche fenides, co r'erba verde via par sora. Ades i pensa de scomenzà danoo, ignante che se pó, d'ousciuda, par fenì chera does che mancia. "Canche ón vedù el laoro fato coscita polito - el me disc Giorgio Carriero, presidente de ra Associazione golf Cortina - s'ón domandà parcé che no se podea fei una pista par i schie da fondo, da dorà d'inverno, inze 'l medemo posto agnó che se súa a golf, da d'ousciuda, fin d'outon. E coscita 'l é stà fato: ón betù sote tèra ra canes de r'aga, da podé tacà inze 'l inpianto da fei gnee pestizo, se no n'aese da ruà chel bon, da 'l ziel. Su chera pistes, par alcuante chilometre, dapò podarà se montà co i schie i nostre sozie, ma anche i maestre de schie da fondo, co i so clientes. Voron fei algo depì, par chesto paes". I à scomenzà a fei su ra club house, che 'l é alolo sote ra strada che da Coiana ra vò su a Fraina. I podarà ra fenì 'sto an, de ousciuda. Intanto se varda inainte, con chera de fenì duto el golf, cemodo che 'l à da ese fato, a disdoto bujes, con outra noe, da i sòntà pede a ra primes. A fei 'ste laore 'l é ra sozietà Cortina srl, che r'à par presidente 'l anpezan Luigi Pompanin Dimai de Anjelico. "Un golf con noe bujes el no n'é un golf intiero - el disc Carriero - e bešen de seguro ruà a in fei disdoto. Se dapò in Anpezo i vorarà aè un golf con valor internazionale, da fei gares, se podarà vardà ancora pi inainte, e in bete pede outres noe, da ruà a vintesete. Ma, par intanto, 'l é de seguro da ruà a disdoto". Par chesto 'l é drío a se moe anche el Comun de Anpezo, che 'l à betù sote vincolo chi fonde, chera ares. "El golf 'l é fato da private, su tarés private - el me disc el capocomun Andrea Franceschi - ma no s'outre son parsuafe che see algo che sóa par duto el paes, che 'l é bisòin de fei, par i dà algo depì a i foreste, parcé che i viene ca da no s'outre anche fora stajon, no solo da Nadà o de agosto. Par chesto ón betù vincole sora chi fonde: chesto el me parmetarà de fei esproprie, se sarà bisòin. Ma no s'outre vorason che i se betese d'acordo ignante, intrà i paroi e chi de 'l golf, senza ruà a aè da fei chiste ate, che i no n'é mai biel". Ai 3 de jenaro chi de 'l golf i à ciamà un grun de sènte a vede i laore fate, anche se 'l é ben da gnee via par sora; 'l ea un grun de parsones, aduna co ra autotitas de 'l paes, e trope che vegnia da fora. Chi medeme che à betù i sode, par fei fora chesto golf. Chel di, de 'l dapò disnà, 'l é stà ra sepoltura de Walter De Rigo, un de chi ome che, par prime, i à scomenzà chel projeto, coscita dute i 'l à recordà. Dute i s'à fato de mereea, a vede cuanto bel che 'l é vegnù, chel che i à fato fin ancuol. E i s'à dito pronte a moe a sùlà, co ra so mazes, 'l istade che vien, canche se podarà: i spera de podé scomenzà beleche de agosto, dapò de aè fenì fora i ultime laore.



data di pubblicazione
07.02.2009

La Usc di Ladins

[s0phiα]

